

良鄉縣志卷之二

建置志

行宮 郊勞臺 公署 學校 魁樓 倉場
墩堡 行署 驛遞 橋梁 表坊

建置考工職也司空作邑宜始乎城築矣今城池不繫乎建置而從輿地者何蓋城池具而邑始立焉邑立而後邑之建置興焉故也若夫考工之大者曰所以為典曰所以為治曰所以為教曰所以為備曰所以為賓旅而終之以勛德科名節孝等坊蓋即樹人之微意焉耳

良鄉縣志

卷二 建置志

行宮

一

行宮

在縣治北黃辛莊村西南距城二里許乾隆十三年建為謁

陵駐蹕之地前面東西朝房圍牆四隅更房各一

宮門迤東為值房又東為膳房西如之進

宮門十字甬路左右為東西

阿哥所中為垂花門內

正殿五楹後為

皇后宮又後爲

照殿四面皆迴廊循廊右行爲西書房後爲

太后宮循廊左行爲東書房後爲春麗齋齋後假山屏
列松柏數株皆百餘年物也

正殿匾曰香清繡野聯曰遠近咸安耕鑿樂春秋時
動露霜情其他

宸翰載卷首

郊勞臺

良鄉縣志

卷二建置志 郊勞臺

二

在縣治南里許乾隆二十五年

高宗純皇帝郊勞征西將軍兆惠四十一年大將軍阿
桂等平定兩金川奏凱行郊勞禮富德建今廢
祇存

御製碑亭一座

公署

古者自天子而下五等之爵公府皆稱朝蓋重
之也其治其圯於是乎觀政左氏述時儆有曰

收而場功恃而畚揭營室之中土功其始火之初見期於司理又曰清風戒寒而修城郭官室蓋歲有葺焉則無大圯凡爾小民皆治奧阼以避寒暑燥濕尙其率作子來無廢攸躋攸芋之制焉可矣

縣署

在城內西徧舊志明正統中知縣王弼建正德中知縣孟純重葺

良鄉縣志

卷二建置志

公署

三

國朝仍之其堂爲忠愛堂康熙十年知縣李慶祖修乾隆三十四年知縣吳鏊修道光四年知縣包駢修十四年知縣彭世昌修光緒六年知縣彭慶颺修

縣丞署

在縣署迤南舊在縣署忠愛堂東康熙七年縣丞陳應吉繕葺咸豐四年縣丞白維移建於此

主簿署

在忠愛堂西久廢

典史署

在縣署儀門迤東

道光十四年典史張策重修
光緒二年典史陳國祥重修

南二工管河縣丞署

在金門閘南

北二工管河縣丞署

在河隄龍王廟南

防守禦署

良鄉縣志

卷二建置志

公署

四

在東街

防禦署

在東街

守備署

在東門迤南

驍騎校署

在東街今廢

把總署

在市口今廢

申明亭

舊志久廢

旌善亭二座

舊志久廢

陰陽學

在儀門外東久廢

醫學

良鄉縣志

卷二建置志

公署

五

在儀門外西久廢

養濟院

在縣治北久廢

棲流局

在南關外光緒九年府尹以河間獻縣災民赴京過多恐至滋事發交前縣楊謙柄經費銀一千五百兩設局截留外來災民煮粥散放自光緒九年十二月起至十年閏五月上遣散並因

本邑九年被水民情困苦每日早在局煮粥散放以昭矜恤

留養局

在南門外乾隆二十三年奉總督方

題請直隸各屬設局冬月留養貧民春融遣散其

有疾及年過七十者常留在局給衣被錢米有

差經費銀一百兩

道光元年本部堂捐發商領
營運月息一分現在歲收息

銀十收租地七頃四十九畝四分一厘

按記數
收租銀

良鄉縣志

卷二建置志

公署

六

四十二兩五錢一分二厘租制錢四十一千七百九十二文租糧一百餘石嗣因沙壓地瘠不堪耕種陸續減課現在歲收租銀二三十兩不等

學校

學田
附

自前代以來州縣無大小皆置學設博士弟子員良在遼金元皆隸近郊其建學與否誌皆缺焉甚矣其略也夫五帝三王所以治天下者曰封建曰井田曰學校二者皆已變滅而學校獨至今存則其廢興之係於治亂豈顧問哉廟以

祀

先師堂以肄禮齋以居業燕息皆爲學之地而所以爲學之道不與焉夫地且勿修立尙何有於道乎凡志於學之道與夫膺斯道之任者幸加之意矣

學宮

在城內東南隅萬厯

五

年間知縣洪一謨修

國朝順治十年知縣張士彪修康熙二十七年知

良鄉縣志

卷二建置志

學校

七

縣張宏毅乾隆二十一年知縣楊喬道光十六年知縣彭世昌俱復修葺碑記均詳藝文志

大成殿五間

殿迤東

崇聖祠三間殿前東西兩廡各五間大成門三間門前名宦鄉賢祠各三間泮池二櫺星門一東西戟門二俱同治十一年知縣高建勳繕葺

文昌殿三間在

大城殿迤東

忠義祠節孝祠一間在

文昌殿迤南

儒學大門一座明倫堂五間進德齋三間修業齋三間順治十年知縣張士彪闔學生員張挺等勸輸資重整凡紳士捐助與在事姓名詳載碑陰今近百年則堂與齋俱廢矣
敬一亭三間號舍射圃亭俱久廢

良鄉縣志

卷二建置志

學校

八

教諭署

在明倫堂後按舊志廳三間住房三間廂房三間書房三間現存住房三間東西廂房各一間
訓導署
在明倫堂東按舊志房舍同上現存正房三間東房二間結構僅存損壞不堪住

學額

廩膳生二十名增廣生二十名科歲試額取文

童十五名武童十二名

學田

坐落西石羊趙家莊二村二段計地一項零七畝六分乾隆四十四年石羊村曹大成之母王氏捐置張習撰碑記詳藝文志又坐落任家營地一段計五十畝每年由學征租移文縣庫備周卹貧生之用

卓秀書院

良鄉縣志

卷二建置志

學校

九

在東大街路南原建在東門外道光二十七年知縣程仁傑移建於此將隆峯寺抄產官租半給書院以爲脩脯膏火之資每月初二日堂課十六日齋課

社學

舊志在南關久廢

義學

舊志在固節驛西房六間知縣張宏毅建以圍

城官地租爲館穀之費今廢

魁樓

粵稽春秋運斗樞言璇璣玉衡第一星至第四爲魁星晉志曰文昌六星在北斗魁前又東壁二星主文章天下圖書之秘府也占若明則圖書聚道術行小人退君子入此天象也其體在下精耀在天在野象物在朝象官在人象事三階平則陰陽和風雨時社稷神祇咸獲其宜歲大登民人息天下大安是謂太平則魁樓之建豈僅關乎科甲哉

在城頭東南隅舊志在學宮東明崇正四年前知縣吳公宇英移建於此

國朝康熙十年知縣李公慶祖以二者皆弗善另於學宮東南之高原建樓一區乾隆四十一年知縣陸公曜仍移建於城隍道光二十七年知縣程公仁傑貢生張瀚等重修

倉場

古者三十年有十年之蓄矣然於十二荒政之外猶有掌委積以待賑施者後世師其遺意如常平之在郡義倉之在邑社倉之在鄉用均饑穰德意良厚奚可勿次第講耶

義倉

在羅府街路北

常平倉

良鄉縣志

卷二建置志

倉場

十一

在羅府街今廢

預備倉

舊志在縣治東南房五間門一間今廢

豐濟倉

舊志久廢

五里店倉

在治北五里今廢

大十三里倉

在治南十里今廢

石羊村倉

在治東南十二里今廢

莊頭村倉

在治南二十五里今廢

整堡

整

塔窪村北一座

良鄉縣志

卷二建置志

整堡

十三

長陽店一座

大南關一座

十三里一座

舊店一座

琉璃店一座

堡

寶店堡一座

舊志高一丈八尺週圍六百五十五丈同治七年重修

燕谷堡一座

久廢

務子堡一座

咸豐十年修高一丈四尺寬八尺週圍一千二百弓

行署

邑距涿鹿七十里而遙其望

國門減十里有固節驛於邑治南矣乃以行署稱者列其秩自御史大夫而下凡四區雖已久廢載在舊志者甚詳噫此羸者邑也觀行署之具則凡郊勞致館獻餼陳芻吏之奔命民之悉索不已灼見與

良鄉縣志

卷二建置志

行署

三

南察院署

在縣南門內迤東久廢

分司署

在南察院西久廢

後西察院署

在縣治北大門三間二門三間左右角門二間大堂五間後堂五間書吏房三間廚房三間皂隸房六間久廢

後東察院署

房舍與上同久廢

兵備道署

在縣治南關支房久廢

皇華館

在縣東門外迤南計地二畝五分建北正房五
間東西廂房各三間門樓一座官廳二間大門
一座兩旁門房各二車門一中廁二周圍牆垣

良鄉縣志

卷二建置志

驛遞

西

門前有照壁東西轅門光緒四年知縣楊謙柄
捐廉創建順天府尹周家楣奏 准嗣後隨時
由縣修葺

驛遞

固節驛

舊志在南門內迤西久廢後移於縣署東偏原
設驛丞一員雍正五年裁夫馬工料數目詳食
貨志腰站三處一在京師廣安門內一在宛平

縣屬長新店一在本境琉璃河

鋪司五處額設兵二十五名

長陽鋪 在治北長陽

防市鋪 在城內

重義鋪 在治南大三十里村

寶店鋪 在治南寶店

燕谷鋪 在治南琉璃河

橋梁 附渡

良鄉縣志

卷二建置志

橋梁

十五

永安橋

治北十里跨廣陽河

長安橋

治東九里許跨籬笆房河

安陽橋

治東北長陽村中跨黃管屯河

仙安橋

治東北七里許跨黃管屯河

廣濟橋

治東北四里許跨雅河

濟陽橋

治東北三里許跨雅河

雅河橋

治北八里

固村橋

治西北三里跨茨尾河

良鄉縣志

卷二建置志

橋梁

六

護城河橋

城東西南北各一

三空橋

治南一里許跨新引河

石羊橋

治東南十二里跨牝牛河

普濟橋

舊志在南關外明萬曆三十七年交道村顧姓

修後圮

國朝康熙三十六年知縣傅作楫捐俸京師人盧芝秀助資涿屬西郭村人野明奇募化砌石直接南門今廢

寶店橋

治西南二十五里

白草窪橋

治西南二十七里

良鄉縣志

卷二建置志

橋梁

七

琉璃河橋

治西南四十里燕谷店北明嘉靖二十五年建以石萬厯年重修規制宏敞擅

畿南之勝槩

披活河橋

治西南四十五里與涿州房山交界處

前明王將軍鏜

建同治八年知縣毛璋會涿房重修後河水北徙舊橋幾廢十一年知縣高建勳捐俸五百金增建北石橋第水勢漂疾霖雨時輒復漫溢同治十二年順天府尹彭祖賢又增建中石橋碑

文詳藝文志又四益橋在挾河下游琉璃河村
東于光緒七年村人集捐千五百金建修

趙村小渡

在城東南永定河南二工

黃土坡渡

治西南三十八里琉璃河下流

小店渡

治南三十五里琉璃河下流

路村渡

良鄉縣志

卷二建置志

坊表

六

治南四十里琉璃河下流

坊表

旌厥宅里王政之鉅係焉曰勛德曰科名曰匹
夫匹婦之節概例均得之坊必以朝命甚重之
矣然壽於木石有時而窮不若以誌壽之之得
也舊志所載無幾而嗣此百餘稔繼建者寥寥
非時俗異尙謂觀感興起之具可概從畧與抑
非特良邑爲然矣

首邑坊

在縣治前 額題畿南首善四字久廢

附鳳坊

在西街為舉人謝高建久廢

豸繡坊

在南街為監察御史楊泰建嘉靖年間車駕過

撤除

舉人坊

良鄉縣志

卷二建置志

坊表

九

在西門內為朱鐸建久廢

貞節坊

在東門內為節婦王氏建久廢

勅贈坊

在竇店為勅贈監察御史楊培建久廢

貞節坊

在南關為節婦姜氏建久廢

進士坊

在寶店爲楊秦建久廢

舉人坊

在寶店爲楊譽建久廢

貞節坊

在寶店爲楊尙儒妻宋氏建久廢

天語褒崇坊

在燕谷爲尙義金吾都指揮左衛僉事胡楫建

久廢

良鄉縣志

卷二建置志

坊表

三

元恩坊

在琉璃河橋北久廢

咸濟坊

在琉璃河橋南久廢

貞節坊

在南關爲庠生任維屏建久廢

貞節坊

在羅府街爲節婦章氏建久廢

